

**Hymnus.**

**E**Cce jam noctis tenuatur umbra,  
Lux et auroræ rutilans corúscat :  
Súpplices rerum Dóminum canóra

Voce precémur.

Ut reos culpæ miserátus, omnem  
Pellat angórem, tríbuat salútem,  
Donet et nobis bona sempitérnæ

Múnera pacis.

Præstet hoc nobis Déitas beáta  
Patris, ac Nati, paritérque sancti  
Spíritus, cujus résonat per omnem

Glória mundum.

Amen.

**Per Annum, V.** Dóminus regnávít, decórem índuit. **R.** Induit Dóminus fortitúdinem, et præcínxit se virtúte.

**Cantic. Zachariæ. Luc. j. g**  
**B**enedictus Dóminus Deus Israel, \* quia visitávit, et fecit redemptiónem plebis suæ :

Et eréxit cornu salútis nobis : \* in domo David púeri sui.

Sicut locútus est per os sanctórum, \* qui a sæculo sunt, Prophetárum ejus :

Salútem ex inimícis nostris, \* et de manu ómnium, qui odérunt nos :  
Ad faciéndam misericórdiam cum pátribus nostris : \* et memorári testaménti sui sancti.

Jusjurándum, quod jurávit ad Abraham patrem nostrum, \* datúrum se nobis :

Ut sine timóre, de manu inimicórum nostrórum liberáti, \* serviámus illi.

In sanctitáte, et justítia coram ipso, \* ómnibus diébus nostris.

Et tu puer, Prophéta Altíssimi vocáberis : \* præíbis enim ante fáciem Dómini paráre vias ejus :

Ad dandam sciéntiam salútis plebi ejus : \* in remissionem peccatórum eórum :

Per víscera misericórdiæ Dei nostri : \* in quibus visitávit nos, óriens ex alto :

Illumináre his, qui in ténébris, et in umbra mortis sedent : \* ad dirigéndos pedes nostros in víam pacis.

Glória Patri. etc.

**Deinde dicitur Aña et Oratio propria, et post eam, si occurrat eo die aliquod Festum simplex, vel ad modum Simplicis recolendum, fit de eo**

**Commemor. Postremo (si id tempus requirat) fiunt Commem. de S. Maria, de S. Joseph, de Apostolis, et de Patrono Eccles. in ordine aliarum Commem. secundum illius dignitatem, et ultimo loco de Pace, ut infra in Vesp. Sabbati. 168.**

**In fine, si discedendum sit a Choro, dicitur Aña. Salve Regina. ut habetur infra post Completor. 174.**

**DOMINICA AD PRIMAM.**

Pater noster. Ave María. Credo. **V.** Deus in adjutórium. **ut supra. 19.**

**Hymnus.**

**J**AM lucis orto sídere Deum precémur súpplices,

Ut in diúrnis áctibus Nos servet a nocéntibus. Linguam refrénans témpere,

Ne litis horror ínsonet : Visum fovéndo cóntegat, Ne vanitátes háuríat.

Sint pura cordis íntima, Absístat et vecórdia : Carnis terat supérbiam Potus cibique párcitas.

Ut cum dies abscesserit, Noctémque sors redúxerit, Mundi per abstinéntiam

Ipsi canámus glóriam. Deo Patri sit glória, Ejúsque soli Fílio,

Cum Spíritu Paráclito, Nunc, et per omne sæculum. Amen.

**In Dominicis per Annum, Aña. Allelúia.**

**Psalmus liij.**

**D**Eus in nómine tuo salvum me fac : \* et in virtúte tua júdica me.

Deus exáudi oratióem meam : \* áuribus pércipe verba oris mei.

Quóniam aliéni insurrexérunt advérsus me, et fortes quæsiérunt ánimam meam : \* et non proposuerunt Deum ante conspéctum suum.

Ecce enim Deus ádjuvat me : \* et Dóminus suscéptor est ánimæ meæ.

Avérte mala inimícis meis : \* et in veritáte tua dispérde illos.

Voluntárie sacrificábo tibi, \* et confitébor nómini tuo Dómine : quóniam bonum est :

Quóniam ex omni tribulatióne eripuísti me : \* et super inimicos meos despéxit óculus meus.

**Sequens Ps. Confitémini Dómino. dicitur tantum in Dominicis, quando fit Officium de Dominica, ut in Psalterio.**



**Psalmus cxxvi.**

**C**onfitemini Dómino quóniam bonus : \* quóniam in sæculum misericórdia ejus.

Dicat nunc Israel quóniam bonus : \* quóniam in sæculum misericórdia ejus.

Dicat nunc domus Aaron : \* quóniam in sæculum misericórdia ejus.

Dicant nunc qui timent Dóminum : \* quóniam in sæculum misericórdia ejus.

De tribulatióne invocávi Dóminum : \* et exaudivit me in latitúdine Dóminus.

Dóminus mihi adjútor : \* non timébo quid fáciat mihi homo.

Dóminus mihi adjútor : \* et ego despiciam inimicos meos.

Bonum est confidere in Dómino, \* quam confidere in hómine :

Bonum est speráre in Dómino, \* quam speráre in principibus.

Omnes Gentes circuiérunt me : \* et in nómine Dñi quia ultus sum in eos.

Circumdántes circumdederunt me : \* et in nómine Dñi quia ultus sum in eos.

Circumdederunt me sicut apes, et exarsérunt sicut ignis in spinis : \* et in

nómine Dómini quia ultus sum in eos.

Impúlse vérsus sum ut caderem : \* et Dóminus suscepit me.

Fortitúdo mea, et laus mea Dóminus : \* et factus est mihi in salutem.

Vox exultatiónis, et salútis \* in tabernáculis justórum.

Déxtera Dómini fecit virtútem : déxtera Dómini exaltávit me, \* déxtera Dómini fecit virtútem.

Non móriar, sed vivam : \* et narrábo ópera Dómini.

Castigans castigávit me Dóminus : \* et morti non trádidit me.

Aperite mihi portas justítiae, ingressus in eas confitébor Dómino : \* hæc porta Dómini, justí intrábunt in eam.

Confitébor tibi quóniam exaudivisti me : \* et factus es mihi in salutem.

Lápidem, quem reprobavérunt ædificátes : \* hic factus est in caput ánguli.

A Dómino factum est istud : \* et est mirábile in óculis nostris.

Hæc est dies, quam fecit Dóminus : \* exultemus, et lætémur in ea.

O Dómine salvum me fac, o Dómine bene pro-

speráre : \* benedictus qui venit in nómine Dómini.

Benediximus vobis de domo Dómini : \* Deus Dóminus, et illúxit nobis.

Constitúite diem solénnem in condénsis, \* usque ad cornu altáris.

Deus meus es tu, et confitébor tibi : \* Deus meus es tu, et exaltábo te.

Confitébor tibi quóniam exaudivisti me : \* et factus es mihi in salutem.

Confitémini Dómino quóniam bonus : \* quóniam in sæculum misericórdia ejus.

**Psalmus cxxvii.**

**B**eáti immaculáti in via : \* qui ámbulant in lege Dómini.

Beáti, qui scrutántur testimónia ejus : \* in toto corde exquirunt eum.

Non enim qui operántur iniquitátem, \* in viis ejus ambulavérunt.

Tu mandásti \* mandáta tua custodiri nimis.

Utinam dirigántur viæ meæ, \* ad custodiéndas justificatiónes tuas.

Tunc non confúndar, \* cum perspéxero in ómnibus mandátis tuis.

Confitébor tibi in directiône cordis : \* in eo quod didici júdicia justítiae tuæ.

Justificatiónes tuas custódiam : \* non me derelinquas usquequáque.

In quo corrigit adolescén-tior viam suam? \* in custodiéndo sermónes tuos.

In toto corde meo exquisívi te : \* ne repéllas me a mandátis tuis.

In corde meo abscondi elóquia tua : \* ut non peccem tibi.

Benedictus es Dómine : \* doce me justificatiónes tuas.

In lábiis meis, \* pronuntiávi ómnia júdicia oris tui.

In via testimoniórum tuórum delectátus sum, \* sicut in ómnibus divítiis.

In mandátis tuis exercébor : \* et considerábo vias tuas.

In justificatiónebus tuis meditábor : \* non obliviscar sermónes tuos.

**R**etribue servo tuo, vífica me : \* et custódiam sermónes tuos.

Revéla óculos meos : \* et considerábo mirabilia de lege tua.

Incola ego sum in terra : \* non abscondas a me mandáta tua.

Concupívit ánima mea desideráre justificatiónes tuas, \* in omni témpore. Increpásti supérbos : \*



maledicti qui declinant a mandatis tuis.

Aufer a me opprobrium, et contemptum: \* quia testimonia tua exquisivi.

Etenim sederunt principes, et adversum me loquebantur: \* servus autem tuus exercebatur in justificationibus tuis.

Nam et testimonia tua meditatio mea est: \* et consilium meum justificationes tue.

Adhaesit pavimento anima mea: \* vivifica me secundum verbum tuum.

Vias meas enuntiavi, et exaudisti me: \* doce me justificationes tuas.

Viam justificationum tuarum instrue me: \* et exercabor in mirabilibus tuis.

Dormitavit anima mea praetadio: \* confirma me in verbis tuis.

Viam iniquitatis amove a me: \* et de lege tua miserere mei.

Viam veritatis elegi: \* iudicia tua non sum oblitus.

Adhaesi testimoniis tuis Domine: \* noli me confundere.

Viam mandatorum tuorum cucurri, \* cum dilatasti cor meum.

**Sequens Symbolum dicitur in Dominicis tantum, quando fit Offic. de Dominica, ut in Psalterio et in Festo SS. Trinitatis.**

**Symbolum S. Athanasii.**

**Q**uicumque vult salvus esse, \* ante omnia opus est ut teneat catholicam fidem.

Quam nisi quisque integram inviolatamque servaverit, \* absque dubio in aeternum peribit.

Fides autem catholica haec est: \* ut unum Deum in Trinitate, et Trinitatem in unitate veneremur.

Neque confundentes personas, \* neque substantiam separantes.

Alia est enim persona Patris, alia Filii, \* alia Spiritus sancti.

Sed Patris, et Filii, et Spiritus sancti una est divinitas: \* aequalis gloria, coaeterna majestas.

Qualis Pater, talis Filius, \* talis Spiritus sanctus.

Increatus Pater, increatus Filius, \* increatus Spiritus sanctus.

Immensus Pater, immensus Filius, \* immensus Spiritus sanctus.

Aeternus Pater, aeternus Filius, \* aeternus Spiritus sanctus.

Et tamen non tres aeterni, \* sed unus aeternus.

Sicut non tres increati, nec tres immensi, \* sed unus increatus, et unus immensus.

Similiter omnipotens Pater, omnipotens Filius, \* omnipotens Spiritus sanctus.

Et tamen non tres omnipotentes, \* sed unus omnipotens.

Ita Deus Pater, Deus Filius, \* Deus Spiritus sanctus.

Et tamen non tres Dii, \* sed unus est Deus.

Ita Dominus Pater, Dominus Filius, \* Dominus Spiritus sanctus.

Et tamen non tres Domini, \* sed unus est Dominus.

Quia, sicut singillatim unamquamque personam

Deum ac Dominum confiteri christiana veritate compellimur: \* ita tres Deos aut Dominos dicere catholica religione prohibemur.

Pater a nullo est factus: \* nec creatus, nec genitus.

Filius a Patre solo est: \* non factus, nec creatus, sed genitus.

Spiritus sanctus a Patre et Filio: \* non factus, nec

creatus, nec genitus, sed procedens.

Unus ergo Pater, non tres Patres: unus Filius, non tres Filii: \* unus Spiritus sanctus, non tres Spiritus sancti.

Et in hac Trinitate nihil prius aut posterius, nihil majus aut minus; \* sed totae tres personae coaeternae sibi sunt, et coaequales.

Ita ut per omnia, sicut jam supra dictum est, \* et unitas in Trinitate, et Trinitas in unitate veneranda sit.

Qui vult ergo salvus esse, \* ita de Trinitate sentiat.

Sed necessarium est ad aeternam salutem, \* ut incarnationem quoque Domini nostri Jesu Christi fideliter credat.

Est ergo fides recta, ut credamus et confiteamur, \* quia Dominus noster Jesus Christus Dei Filius, Deus et homo est.

Deus est ex substantia Patris ante saecula genitus: \* et homo est ex substantia matris in saeculo natus.

Perfectus Deus, perfectus homo: \* ex anima rationali, et humana carne subsistens.



Æquális Patri secúndum divinitátem: \* minor Patre secúndum humanitátem.

Qui, licet Deus sit et homo, \* non duo tamen, sed unus est Christus.

Unus autem non conversióne divinitátis in carnem, \* sed assumptióne humanitátis in Deum.

Unus omníno non confusióne substántiæ: \* sed unitáte persónæ.

Nam sicut ánima ratiónalis et caro unus est homo: \* ita Deus et homo unus est Christus.

Qui passus est pro salutē nostra: descendit ad inferos: \* tertia die resurrexit a mórtuis.

Ascendit ad coelos, sedet ad dexteram Dei Patris omnipoténtis: \* inde ventúrus est iudicáre vivos et mórtuos.

Ad cuius advéntum omnes hómines resúrgere habent cum corpóribus suis: \* et redditúri sunt de factis própriis ratióne.

Et qui bona egérunt, ibunt in vitam ætérnam: \* qui vero mala, in ignem ætérnum.

Hæc est fides cathólica, \* quam nisi quisque fidéliter firmitérque cre-

diderit, salvus esse non póterit.

Glória Patri. etc.

**Añã.** Allelúia, allelúia, allelúia.

**Capitulum.** *i. Tim. j. d*  
**R**Egi sæculórum inmórtáli et invisibili, soli Deo honor et glória in sæcula sæculórum. Amen.

**R.** Deo grátias.

**R. br.** Christe Fili Dei vivi, \* Miserére nobis. **et repetitur.** Christe Fili Dei vivi, miserére nobis. **V.** Qui sedes ad dexteram Patris.

**R.** Miserére nobis. **V.** Glória Patri, et Filio, et Spirítui sancto. **R.** Christe Fili Dei vivi, miserére nobis.

**V.** Exsúrge Christe, adjuva nos. **R.** Et líbera nos propter nomen tuum.

**Sequentes Preces non dicuntur in Duplicibus, nec infra Octavas: sed tunc dicto R. brevi, dicitur Dóminus vobiscum. et Oratio. Dómine Deus omnipotens. ut infra. 32.**

**K**Yrie eléison. Christe eléison. Kyrie eléison.

Pater noster. **secreto usque ad V.** Et ne nos indúcas in tentatióne. **R.** Sed líbera nos a malo.

Credo in Deum. **secreto usque ad V.** Carnis resur-

rectiómne. **R.** Vitam ætérnam. Amen.

**V.** Et ego ad te Dómine clamávi. **R.** Et mane orátio mea præveniet te.

**V.** Repleátur os meum laude. **R.** Ut cantem glóriam tuam, tota die magnitúdinem tuam.

**V.** Dómine avérte faciē tuam a peccátis meis. **R.** Et omnes iniquitátes meas dele.

**V.** Cor mundum crea in me Deus. **R.** Et spíritum rectum ínnova in viscéribus meis.

**V.** Ne projicias me a faciē tua. **R.** Et spíritum sanctum tuum ne auferas a me.

**V.** Redde mihi lætítiam salutáris tui. **R.** Et spiritu principáli confirma me.

**V.** Adjutórium nostrum in nómine Dómini. **R.** Qui fecit cælum et terram.

**Deinde Hebdomadarius facit Confessionem.**

**C**Onfiteor Deo omnipoténti, beátæ Mariæ semper Vírgini, beáto Michaéli Archángelo, beáto Joánni Baptistæ, sanctis Apóstolis Petro et Paulo, ómnibus Sanctis, et vobis fratres: quia peccávi nimis cogitatióne, verbo et ópere: mea culpa, mea culpa, mea máxima culpa. Ideo

precor beátam Mariam semper Vírginem, beátum Michaélem Archángelum, beátum Joánnem Baptistam, sanctos Apóstolos Petrum et Paulum, omnes Sanctos, et vos fratres, oráre pro me ad Dóminum Deum nostrum.

**Chorus respondet.**

**M**isereátur tui omnipotens Deus, et dimissis peccátis tuis, perdúcat te ad vitam ætérnam.

**R.** Amen.

**Deinde repetit Confessionem, et ubi dicitur vobis fratres, et vos fratres, dicatur tibi pater, et te pater.**

**Facta Confessione a Choro, Hebdomadarius dicit.**

**M**isereátur vestri omnipotens Deus, et dimissis peccátis vestris, perdúcat vos ad vitam ætérnam. **R.** Amen.

**I**ndulgéntiam, absolutiómne, et remissionem peccatórum nostrórum tribuat nobis omnipotens et miséricors Dóminus. **R.** Amen.

**Et prosequitur V.** Dignáre Dñe die isto. **R.** Sine peccáto nos custodire.

**V.** Miserére nostri Dómine. **R.** Miserére nostri.

**V.** Fiat misericórdia tua Dómine super nos.



**R.** Quemádmódu[m] sperá-  
vimus in te.

**V.** Dómine exáudi ora-  
tiónem meam. **R.** Et cla-  
mor meus ad te véniat.

**V.** Dóminus vobíscum.

**R.** Et cum spírítu tuo.

Orémus.

**Oratio.**

**D**omine Deus omnípo-  
tens, qui ad princi-  
pium hujus diéi nos per-  
venire fecísti : tua nos  
hódie salva virtúte, ut  
in hac die ad nullum  
declinémus peccátum, sed  
semper ad tuam justí-  
tiam faciéndam nostra  
procédant elóquia, diri-  
gántur cogitátiones et  
ópera. Per Dóminum no-  
strum Jesum Christum Fí-  
lium tuum, qui tecum vivit  
et regnat in unitáte Spíri-  
tus sancti Deus, per ómnia  
sæcula sæculórum.

**R.** Amen.

**V.** Dóminus vobíscum.

**R.** Et cum spírítu tuo.

**V.** Benedicámus Dómi-  
no. **R.** Deo grátias.

**Deinde in Choro legitur  
Martyrologium. Et quan-  
do dicenda est Prima de  
B. Maria, præponitur Le-  
ctioni Martyrologii. Post-  
ea Hebdomadarius dicit.**

**V.** Pretiósá in conspéctu  
Dómini. **R.** Mors Sanctó-  
rum ejus.

**Et absolute sine** Orémus.

**Oratio.**

**S**ancta María, et om-  
nes Sancti intercéd-  
dant pro nobis ad Dómi-  
num, ut nos mereámur ab  
eo adjuvári et salvári, qui  
vivit et regnat in sæcula  
sæculórum. **R.** Amen.

**V.** Deus in adjutórium  
meum inténde. **R.** Dómi-  
ne ad adjuvándum me  
festína.

**Et dic. ter : ultimo addi-  
tur.** Glória Patri. Sicut  
erat.

**K**yrie eléison. Christe  
eléison. Kyrie eléison.

Pater noster. **secreto.**

**V.** Et ne nos indúcas in  
tentatiónem. **R.** Sed líbera  
nos a malo.

**V.** Réspice in servos tuos  
Dómine, et in ópera tua,  
et dirige fílios eórum. **R.** Et  
sit splendor Dómini Dei  
nostrí super nos, et ópera  
mánuum nostrárum diri-  
ge super nos, et opus má-  
nuum nostrárum dirige.  
**V.** Glória Patri. **R.** Sicut  
erat.

Orémus.

**Oratio.**

**D**irigere et sanctificá-  
re, régere et guber-  
náre dignáre, Dómine  
Deus Rex cæli et terræ,  
hódie corda et cörpera  
nostra, sensus, sermónes

et actus nostros in lege  
tua, et in opéribus manda-  
tórum tuórum : ut hic, et  
in ætérnum, te auxiliánte  
salvi et líberi esse mereá-  
mur, Salvátor mundi. Qui  
vivis et regnas in sæcula  
sæculórum. **R.** Amen.

**V.** Jube domne benedí-  
cere.

**Benedictio.** Dies et actus  
nostros in sua pace dispón-  
nat Dóminus omnipotens.  
**R.** Amen.

**Ad Absolut Capituli in  
Dominicis et Feriis per  
Annum ab Octava Pen-  
tecostes usque ad Advent-  
um exclusive.**

**Lectio brevis. 2. Thess. iij. b**

**D**ominus autem diri-  
gat corda et cörpera  
nostra in caritáte Dei,  
et patiéntia Christi. Tu  
autem Dómine miserére  
nobis.

**R.** Deo grátias.

**Post Lect. brev. dicitur**

**V.** Adjutórium nostrum in  
nómine Dómini. **R.** Qui  
fecit cælum et terram.

**V.** Benedícite. **R.** Deus.

**Benedictio.** Dóminus nos  
benedicat, et ab omni malo  
deféndat, et ad vitam per-  
dúcat ætérnam : et Fidé-  
lium animæ per miseri-  
córdiam Dei requiészant  
in pace. **R.** Amen.

IN FERIALI OFFICIO  
AD PRIMAM.

Pater noster. Ave María.  
Credo. **V.** Deus in adjutó-  
rium. 19.

**Hymn. Jam lucis. 25.**

**Per Annum, Aña.** Beáti  
qui ámbulant.

**Ps. Deus in nómine. 25.**

**Post Psalm. Deus in nó-  
mine tuo. loco Ps. Confi-  
témini. dicitur unus ex  
infrascriptis Psalmis se-  
cundum Ferias distinctis.  
Sabbato autem dicuntur  
tantum tres Psalmi, sicut  
in Festis.**

FERIA SECUNDA.

**Psalmus cxxij.**

**D**omini est terra et  
plenitúdo ejus : \*  
orbis terrárum, et univér-  
si qui hábitant in eo.

Quia ipse super mária  
fundávit eum : \* et super  
flúmina præparávit eum.

Quis ascéndet in montem  
Dómini? \* aut quis stabit  
in loco sancto ejus?

Innocens mánibus et  
mundo corde, \* qui non  
accépit in vano ánimam  
suam, nec jurávit in dolo  
próximo suo.

Hic accípiet benedictió-  
nem a Dómino : \* et mi-  
sericórdiam a Deo salu-  
tári suo.



Hæc est generatio quæ-  
rèntium eum, \* quæren-  
tium faciè[m] Dei Jacob.

Attollite portas princi-  
pes vestras, et elevàmini  
portæ æternáles : \* et in-  
troíbit Rex glóriæ.

Quis est iste Rex gló-  
riæ? \* Dóminus fortis et  
potens : Dóminus potens  
in prælio.

Attollite portas princi-  
pes vestras, et elevàmini  
portæ æternáles : \* et in-  
troíbit Rex glóriæ.

Quis est iste Rex gló-  
riæ? \* Dóminus virtutum  
ipse est Rex glóriæ.

FERIA TERTIA.

*Psalmus xxv.*

**A**D te Dómine levávi  
ánimam meam : \*  
Deus meus in te confido,  
non erubescam.

Neque irrideant me ini-  
mici mei : \* etenim uni-  
vérsi, qui sústinent te,  
non confundentur.

Confundantur omnes iní-  
qua agéntes \* supervácue.

Vias tuas Dómine de-  
mónstra mihi : \* et sémi-  
tas tuas édoce me.

Dirige me in veritate  
tua, et doce me : \* quia  
tu es Deus salvátor meus,  
et te sustinui tota die.

Reminiscere miseratió-  
num tuárum Dómine, \* et

misericiárum tuárum,  
quæ a sæculo sunt.

Delicta juventutis meæ,\*  
et ignorántias meas ne  
memineris.

Secúndum misericór-  
diam tuam meménto mei  
tu : \* propter bonitatem  
tuam Dómine.

Dulcis et rectus Dómi-  
nus : \* propter hoc legem  
dabit delinquentibus in via.

Diriget mansuetos in ju-  
dício : \* docébit mites vias  
suas.

Univérsæ viæ Dómini,  
misericórdia et veritas, \*  
requiréntibus testamén-  
tum ejus et testimónia ejus.

Propter nomen tuum Dó-  
mine propitiáberis peccáto  
meo : \* multum est enim.

Quis est homo qui timet  
Dóminum? \* legem státuit  
ei in via, quam elégit.

Anima ejus in bonis de-  
morábitur : \* et semen  
ejus hereditábit terram.

Firmaméntum est Dó-  
minus timéntibus eum : \*  
et testaméntum ipsíus ut  
manifestétur illis.

Oculi mei semper ad Dó-  
minum : \* quóniam ipse  
evéllet de láqueo pedes  
meos.

Réspice in me, et mise-  
rere mei : \* quia únicus et  
pauper sum ego.

Tribulatiónes cordis mei  
multiplicátæ sunt : \* de  
necessitatibus meis éruè  
me.

Vide humilitatem meam,  
et labórem meum : \* et di-  
mitte univér[s]a delicta mea.

Réspice inimicos meos  
quóniam multiplicát[i] sunt,\*  
et ódio iníquo odérunt me.

Custódi ánimam meam, et  
éruè me : \* non erubescam  
quóniam sperávi in te.

Innocéntes et recti adhæ-  
sérunt mihi : \* quia susti-  
nui te.

Líbera Deus Israel, \* ex  
ómnibus tribulatió[n]ibus  
suis.

FERIA QUARTA.

*Psalmus xxv.*

**J**Udica me Dómine,  
quóniam ego in in-  
nocéntia mea ingressus  
sum : \* et in Dómino spe-  
rans non infirmábor.

Proba me Dómine, et  
tenta me : \* ure renes  
meos et cor meum.

Quóniam misericórdia  
tua ante óculos meos  
est : \* et complácu[i] in  
veritate tua.

Non sedi cum concilio  
vanitátis : \* et cum iníqua  
geréntibus non introibo.

Odívi ecclésiám mali-  
gnántium : \* et cum im-  
piis non sedébo.

Lavábo inter innocéntes  
manus meas : \* et circúm-  
dabo altáre tuum Dñe :

Ut áudiam vocem lau-  
dis, \* et enárrem univér[s]a  
mirábilia tua.

Dómine diléxi decórem  
domus tuæ, \* et locum ha-  
bitatió[n]is glóriæ tuæ.

Ne perdas cum impiis  
Deus ánimam meam, \* et  
cum viris sánguinum vi-  
tam meam :

In quorum má[n]ibus ini-  
quitates sunt : \* dextera  
eórum repléta est muné-  
ribus.

Ego autem in innocéntia  
mea ingressus sum : \* ré-  
dime me, et miserere mei.

Pes meus stetit in dire-  
cto : \* in ecclésiis bene-  
dícam te Dómine.

FERIA QUINTA.

*Psalmus xxij.*

**D**óminus regit me, et  
nihil mihi déerit : \*  
in loco páscuæ ibi me col-  
locávit.

Super aquam refectionis  
educávit me : \* ánimam  
meam convértit.

Dedúxit me super sémi-  
tas justitiæ, \* propter no-  
men suum.

Nam, et si ambulávero in  
medio umbræ mortis, non  
timébo malá quóniam  
tu mecum es.



Virga tua, et báculo tuus : \* ipsa me consolata sunt.

Parásti in conspéctu meo mensam, \* advérsus eos, qui tribulant me.

Impinguásti in óleo caput meum : \* et calix meus inébrians quam præclarus est!

Et misericórdia tua subsequétur me \* ómnibus diébus vitæ meæ.

Et ut inhábitem in domo Dómini, \* in longitúdinem diérum.

FERIA SEXTA.

*Psalmus cxxj.*

**D**eus Deus meus respice in me : quare me dereliquisti? \* longe a salute mea verba delictórum meórum.

Deus meus clamábo per diem, et non exáudies : \* et nocte, et non ad insipientiam mihi.

Tu autem in sancto habitas, \* Laus Israel.

In te speravérunt patres nostri : \* speravérunt, et liberásti eos.

Ad te clamavérunt, et salvi facti sunt : \* in te speravérunt, et non sunt confúsi.

Ego autem sum vermis, et non homo : \* opprobrium hóminum, et abjectio plebis.

Omnes vidéntes me, deriserunt me : \* locúti sunt lábiis, et movérunt caput.

Sperávit in Dómino, erípiat eum : \* salvum fáciat eum, quóniam vult eum.

Quóniam tu es, qui extraxisti me de ventre : \* spes mea ab ubéribus matris meæ. In te projectus sum ex útero :

De ventre matris meæ Deus meus es tu, \* ne discésseris a me :

Quóniam tribulatio próxima est : \* quóniam non est qui ádjuvet.

Circumdedérunt me vituli multi : \* tauri pingues obsederunt me.

Aperuérunt super me os suum, \* sicut leo rápiens et rúgiens.

Sicut aqua effusus sum : \* et dispérsa sunt ómnia ossa mea.

Factum est cor meum tamquam cera liquescens \* in médio ventris mei.

Aruit tamquam testa virtus mea, et lingua mea adhæsít fáucibus meis : \* et in pulverem mortis deduxisti me.

Quóniam circumdedérunt me canes multi : \* concílium malignántium obsédit me.

Foderunt manus meas et pedes meos : \* dinumeravérunt ómnia ossa mea.

Ipsi vero consideravérunt et inspexérunt me : \* divisérunt sibi vestiméta mea, et super vestem meam miserunt sortem.

Tu autem Dómine ne elongáveris auxiliium tuum a me : \* ad defensionem meam cónspice.

Erue a frámea Deus animam meam : \* et de manu canis únicam meam :

Salva me ex ore leónis : \* et a cónibus unicórnium humilitátem meam.

Narrábo nomen tuum frátribus meis : \* in médio ecclésiæ laudábo te.

Qui tímétis Dóminum laudáte eum : \* univérsum semen Jacob glorificáte eum :

Timeat eum omne semen Israel : \* quóniam non sprevit, neque despéxit deprecationem páuperis :

Nec avértit fáciem suam a me : \* et cum clamárem ad eum, exaudivit me.

Apud te laus mea in ecclésiá magna : \* vota mea reddam in conspéctu tíméntium eum.

Edent páuperes, et saturabúntur : et laudábunt

Dóminum qui requíruit eum : \* vivent corda eórum in sæculum sæculi.

Reminiscéntur et converténtur ad Dóminum \* univérsi fines terræ :

Et adorábunt in conspéctu ejus \* univérsæ familiæ Géntium.

Quóniam Dómini est regnum : \* et ipse dominábitur Géntium.

Manducavérunt et adoravérunt omnes pingues terræ : \* in conspéctu ejus cadent omnes qui descendunt in terram.

Et ánima mea illi vivet : \* et semen meum serviet ipsi.

Annuntiábitur Dómino generatio ventúra : \* et annuntiábunt cœli justitiæ ejus pópulo qui nascétur, quem fecit Dóminus.

*Sabbato nihil additur, ut supra in Rubrica. 33.*

*Deinde dicitur Psalmus. Beati immaculati. et Retribue servo. 27.*

*Per Annum, Aña. Beati qui ámbulant in lege tua Dómine.*

*Capitulum. Zach. viij. d*

**P**acem et veritatem diligite, ait Dóminus omnipotens. *℟. Deo grátias.*

*℟. br. Christe Fili Dei vivi, Miserere nobis. et re-*



**petitur.** Christe Fili Dei vivi, miserere nobis. **V.** Qui sedes ad dexteram Patris. **R.** Miserere nobis. **V.** Glória Patri, et Fílio, et Spirítui sancto. **R.** Christe Fili Dei vivi, miserere nobis.

**V.** Exsúrge Christe, ádjuva nos. **R.** Et libera nos propter nomen tuum.

**K**yríe eléison. Christe eléison. Kyrie eléison. Pater noster. **secreto.**

**V.** Et ne nos indúcas in tentatiónem. **R.** Sed libera nos a malo.

Credo in Deum. **secreto.**

**V.** Carnis resurrecti-  
onem. **R.** Vitam ætérnam.  
Amen.

**V.** Et ego ad te Dómine clamávi. **R.** Et mane orátio mea præveniet te.

**V.** Repleátur os meum laude. **R.** Ut cantem glóriam tuam, tota die magnitúdinem tuam.

**V.** Dómine avérte fáciem tuam a peccátis meis. **R.** Et omnes iniquitátes meas dele.

**V.** Cor mundum crea in me Deus. **R.** Et spíritum rectum innova in viscéribus meis.

**V.** Ne projicias me a fácie tua. **R.** Et spíritum sanctum tuum ne áuferas a me.

**V.** Redde mihi lætítiam

salutáris tui. **R.** Et spíritui principáli confirma me.

**Quando ad Laudes non sunt dictæ Preces feriales, statim dicitur.** Adjutórium nostrum. et Confíteor Deo. **ut supra in Dominica. 31.**

**Quando autem ad Laudes dictæ sunt Preces feriales inferius positæ post Laudes Feriæ secundæ, tunc ad Primam prædictæ Preces et sequentes dicuntur flexis genibus.**

**V.** Eripe me Dómine ab hómine malo. **R.** A viro iníquo éripe me.

**V.** Eripe me de inimicis meis Deus meus. **R.** Et ab insurgéntibus in me libera me.

**V.** Eripe me de operántibus iniquitátem. **R.** Et de virissánguino salvame.

**V.** Sic psalmum dicam nómini tuo in sæculum sæculi. **R.** Ut reddam vota mea de die in diem.

**V.** Exáudi nos Deus salutáris noster. **R.** Spes ómnium finium terræ, et in mari longe.

**V.** Deus in adjutórium meum inténde. **R.** Dómine ad adjuvándum me festína.

**V.** Sanctus Deus, sanctus fortis, sanctus immortalis. **R.** Miserere nobis.

**V.** Bénedic ánima mea Dómino. **R.** Et ómnia, quæ intra me sunt, nómini sancto ejus.

**V.** Bénedic ánima mea Dño. **R.** Et noli oblivisci omnes retributiónes ejus.

**V.** Qui propitiátur ómnibus iniquitátibus tuis. **R.** Qui sanat omnes infirmitátes tuas.

**V.** Qui rédimet de intéritu vitam tuam. **R.** Qui coronat te in misericórdia et miseratióibus.

**V.** Qui replet in bonis desiderium tuum. **R.** Renovábitur, ut áquilæ, juventus tua.

**V.** Adjutórium nostrum in nómine Dómini. **R.** Qui fecit cælum et terram.

**Deinde Hebdomad. facit Confess. Confíteor. Reliqua omnia ut in Dñica. 31.**

IN FESTIS PER ANNUM.

Post Psalmum. Deus in nómine. 25. dicitur tantum Ps. Beáti. et Retribue. 27.

Deinde Aña competens, et reliqua, ut supra in Dominica. 30. Sed in Duplicibus, et infra Octavas non dicuntur Preces. Dicto Bénedicámus Dómino. dicitur Prima de B. Maria, si dicenda est; postea legitur Martyrologium in Choro.

Deinde dicitur **V.** Pretiósá. cum reliquis ut supra. 32.

Ad Absolutionem Capituli in Festis dicitur Capitulum Nonæ.

AD TERTIAM.

Pater noster. Ave María. Deus in adjutórium. 19.

Hymnus.

**N**unc sancte nobis Spíritus, Unum Patri cum Fílio, Dignare promptus íngeri Nostro refúsus pèctori.

Os, lingua, mens, sensus, vigor, Confessiónem pèsonent, Flamméscat igne caritas, Accéndat ardor próximos.

Præsta, Pater piússime, Patrique compar Unice, Cum Spíritu Paráclito Regnans per omne sæculum. Amen.

In Dominicis per Annum, Aña. Allelúia.

In feriali Officio per Annum, Aña. Deduc me.

Psalmus.

**M**egem pone mihi Dómine viam justificationum tuarum: \* et ex- semper. Capit. et alia in Da mi is, dic. in Dñicis, a scrutat, ost Pentec. usque



et custodiam illam in toto corde meo.

Deduc me in sémitam mandatorum tuorum : \* quia ipsam volui.

Inclina cor meum in testimonia tua : \* et non in avaritiam.

Avérte oculos meos ne videant vanitatem : \* in via tua vivifica me.

Státue servo tuo elóquium tuum, \* in timóre tuo.

Amputa opprobrium meum, quod suspicatus sum : \* quia iudicia tua jucunda.

Ecce concupívi mandata tua : \* in æquitáte tua vivifica me.

Et véniat super me misericórdia tua Dómine : \* salutáre tuum secúndum elóquium tuum.

Et respondébo exprobrántibus mihi verbum : \* quia sperávi in sermónibus tuis.

Et ne áuferas de ore meo verbum veritátis usquequáque : \* quia in iudiciis tuis supersperávi.

Et custodiam legem tuam semper : \* in sæculum etibus sæculi.

*V.* Ne propíam in latitua. *R.* Et spíritus mandata tua tuum ne áuferas.

*V.* Redde mihi læmóniis

tuis in conspéctu regum : \* et non confundébar :

Et meditábar in mandátis tuis, \* quæ diléxi.

Et levávi manus meas ad mandata tua, quæ diléxi : \* et exercébar in iustificatióibus tuis.

**M**emor esto verbi tui servo tuo, \* in quo mihi spem dedisti.

Hæc me consoláta est in humilitáte mea : \* quia elóquium tuum vivificávit me.

Superbi inique agébant usquequáque : \* a lege autem tua non declinávi.

Memor fui iudiciorum tuorum a sæculo Dómine : \* et consolátus sum.

Deféctio tenuit me, \* pro peccatoribus derelinquéntibus legem tuam.

Cantábiles mihi erant iustificatióes tuæ, \* in loco peregrinatióis meæ.

Memor fui nocte nóminis tui Dómine : \* et custodívi legem tuam.

Hæc facta est mihi : \* quia iustificatióes tuas exquisivi.

Pórtio mea Dómine, \* dixi custodíre legem tuam.

Deprecátus sum faciém tuam in toto corde meo : \* miserére mei secúndum elóquium tuum.

Cogitávi vias meas : \* et converti pedes meos in testimonia tua.

Parátus sum, et non sum turbátus : \* ut custodiam mandata tua.

Funes peccatorum circumpléxi sunt me : \* et legem tuam non sum oblítus.

Média nocte surgébam ad confiténdum tibi, \* super iudicia iustificatióis tuæ.

Párticeps ego sum ómnium timéntium te, \* et custodiéntium mandata tua.

Misericórdia tua Dómine plena est terra : \* iustificatióes tuas doce me.

**B**onitatem fecisti cum servo tuo Dómine, \* secúndum verbum tuum.

Bonitatem, et disciplinam, et sciéntiam doce me : \* quia mandátis tuis crédidi.

Priúsqvam humiliárer ego delíqui : \* proptérea elóquium tuum custodívi.

Bonus es tu : \* et in bonitáte tua doce me iustificatióes tuas.

Multiplicáta est super me iniquitas superbórum : \* ego autem in toto corde meo scrutábor mandata tua.

Coagulátum est sicut lac cor eórum : \* ego vero legem tuam meditátus sum.

Bonum mihi quia humiliásti me : \* ut discam iustificatióes tuas.

Bonum mihi lex oris tui, \* super millia auri, et argénti.

Manus tuæ fecérunt me, et plasmavérunt me : \* da mihi intelléctum, et discam mandata tua.

Qui timent te vidébunt me, et lætabúntur : \* quia in verba tua supersperávi.

Cognóvi Dómine quia æquitas iudicia tua : \* et in veritate tua humiliásti me.

Fiat misericórdia tua ut consolétur me, \* secúndum elóquium tuum servo tuo.

Véniant mihi miseratióes tuæ, et vivam : \* quia lex tua meditatio mea est.

Confundántur superbi, quia injúste iniquitatem fecérunt in me : \* ego autem exercébor in mandátis tuis.

Convertántur mihi timéntes te : \* et qui novérunt testimonia tua.

Fiat cor meum immaculátum in iustificatióibus tuis, \* ut non confundar.

*Añã.* Allelúia, allelúia, allelúia.

*Sequens Capit. et alia in aliis Horis, dic. in Dñicis, a tertia post Pentec. usque*



ad Advent. *R. R.* br. etiam eodem temp., similiter et quæ seq. in feriali Officio. *Capitulum.* i. Joann. iv. c

**D**eus caritas est: et qui manet in caritate in Deo manet, et Deus in eo.

*R.* br. Inclina cor meum Deus, \* In testimonia tua. Inclina. *V.* Averte oculos meos, ne videant vanitatem: in via tua vivifica me.

*R.* In testimonia tua. Gloria Patri. Inclina cor.

*V.* Ego dixi, Dñe miserere mei. *R.* Sana animam meam, quia peccavi tibi.

In feriali Officio per Annum, Aña. Deduc me Dómine in semitam mandatorum tuorum.

*Capitulum.* Jerem. xvij. c

**S**ana me Dómine, et sanabor: saluum me fac, et salvus ero: quoniam laus mea tu es.

*R.* br. Sana animam meam, \* Quia peccavi tibi. Sana. *V.* Ego dixi, Dómine miserere mei. *R.* Quia peccavi. Gloria Patri. Sana.

*V.* Adjutor meus esto, ne derelinquas me. *R.* Neque despicias me Deus salutaris meus.

Quando ad Matutinum dictæ sunt Preces, ad Tertiam, Sextam et Nonam flexis genibus dicitur.

**K**yrie eléison. Christe eléison. Kyrie eléison. Pater noster. secreto.

*V.* Et ne nos inducas in tentationem. *R.* Sed libera nos a malo.

*V.* Dómine Deus virtutum converte nos. *R.* Et ostende faciem tuam, et salvi érimus.

*V.* Exsurge Christe, adjuva nos. *R.* Et libera nos propter nomen tuum.

*V.* Dómine exaudi orationem meam. *R.* Et clamor meus ad te veniat.

*V.* Dóminus vobiscum. *R.* Et cum spiritu tuo.

Orémus. Oratio conveniens.

## AD SEXTAM.

Pater noster. Ave María. Deus in adiutorium. 19.

*Hymnus.*

**R**ector potens, verax Deus, Qui temperas rerum vices, Splendore mane illuminas, Et ignibus meridiem.

Exstingue flammam litium, Aufer calorem noxium, Confer salutem corporum, Veramque pacem cordium.

Præsta, Pater piissime, Patrique compar Unice,

Cum Spiritu Paráclito Regnans per omne sæculum. Amen.

In Dominicis per Annum, Antiphona. Alleluia.

In feriali Officio, per Annum, Antiphona. Adjuva me.

*Psalmus.*

**E**fecit in salutare tuum anima mea: \* et in verbum tuum supersperavi.

Defecerunt oculi mei in eloquium tuum, \* dicentes: Quando consolaberis me?

Quia factus sum sicut uter in pruina: \* justificationes tuas non sum oblitus.

Quot sunt dies servi tui: \* quando facies de persecutoribus me iudicium?

Narraverunt mihi iniqui fabulationes: \* sed non ut lex tua.

Omnia mandata tua veritas: \* inique persecuti sunt me, adjuva me.

Paulo minus consummaverunt me in terra: \* ego autem non dereliqui mandata tua.

Secundum misericordiam tuam vivifica me: \* et custodiam testimonia oris tui.

In æternum Dómine, \*

verbum tuum permanet in celo.

In generationem et generationem veritas tua: \* fundasti terram, et permanet.

Ordinatione tua perseverat dies: \* quoniam omnia serviunt tibi.

Nisi quod lex tua meditatio mea est: \* tunc forte periissem in humilitate mea.

In æternum non obliviscar justificationes tuas: \* quia in ipsis vivificasti me.

Tuus sum ego, salvum me fac: \* quoniam justificationes tuas exquisivi.

Me expectaverunt peccatores ut perderent me: \* testimonia tua intellexi.

Omnis consummationis vidi finem: \* latum mandatum tuum nimis.

**Q**uomodo dilexi legem tuam Dómine? \* tota die meditatio mea est.

Super inimicos meos prudentem me fecisti mandato tuo: \* quia in æternum mihi est.

Super omnes docentes me intellexi: \* quia testimonia tua meditatio mea est.

Super senes intellexi: \* quia mandata tua quaesivi.

Ab omni via mala prohibe-



bui pedes meos : \* ut custodiam verba tua.

A iudiciis tuis non declinavi : \* quia tu legem posuisti mihi.

Quam dulcia faucibus meis eloquia tua, \* super mel ori meo!

A mandatis tuis intellexi : \* propterea odivi omnem viam iniquitatis.

Lucerna pedibus meis verbum tuum, \* et lumen semitis meis.

Juravi, et statui \* custodire iudicia justitiae tuae.

Humiliatus sum usquequaque Domine : \* vivifica me secundum verbum tuum.

Voluntaria oris mei beneplacita fac Domine : \* et iudicia tua doce me.

Anima mea in manibus meis semper : \* et legem tuam non sum oblitus.

Posuerunt peccatores laqueum mihi : \* et de mandatis tuis non erravi.

Hereditate acquisivi testimonia tua in aeternum : \* quia exultatio cordis mei sunt.

Inclinavi cor meum ad faciendas justificationes tuas in aeternum, \* propter retributionem.

**I**niquos odio habui : \* et legem tuam dilexi. Adjutor, et susceptor

meus es tu : \* et in verbum tuum supersperavi.

Declinate a me maligni : \* et scrutabor mandata Dei mei.

Suscipe me secundum eloquium tuum, et vivam : \* et non confundas me ab expectatione mea.

Adjuva me, et salvus ero : \* et meditabor in justificationibus tuis semper.

Sprevisti omnes discedentes a iudiciis tuis : \* quia iniusta cogitatio eorum.

Prævaricantes reputavi omnes peccatores terrae : \* ideo dilexi testimonia tua.

Confige timore tuo carnes meas : \* a iudiciis enim tuis timui.

Feci iudicium et justitiam : \* non tradas me calumniantibus me.

Suscipe servum tuum in bonum : \* non calumnietur me superbi.

Oculi mei defecerunt in salutare tuum : \* et in eloquium justitiae tuae.

Fac cum servo tuo secundum misericordiam tuam : \* et justificationes tuas doce me.

Servus tuus sum ego : \* da mihi intellectum, ut sciam testimonia tua.

Tempus faciendi Domine : \* dissipaverunt legem tuam.

Ideo dilexi mandata tua, \* super aurum et topazion.

Propterea ad omnia mandata tua dirigebam : \* omnem viam iniquam odio habui.

**Añã.** Alleluia, alleluia, alleluia.

**Capitulum.** Galat. vj.

**A**lter alterius onera portate, et sic adimplebitis legem Christi.

**R. br.** In aeternum Domine, \* Permanet verbum tuum. In aeternum. **V.** In saeculum saeculi veritas tua. **R.** Permanet. **Gloria Patri.** In aeternum.

**V.** Dominus regit me, et nihil mihi deerit. **R.** In loco pascae ibi me collocavit.

**In feriali Officio per Annum, Añã.** Adjuva me, et salvus ero Domine.

**Capitulum.** Alter alterius.

**R. br.** Benedicam Dominum, \* In omni tempore. Benedicam. **V.** Semper laus ejus in ore meo. **R.** In omni. **Gloria Patri.** Benedicam.

**V.** Dominus regit me, et nihil mihi deerit. **R.** In loco pascae ibi me collocavit.

**Kyrie eleison. si dicendum sit, ut ad Tertiam. 42.**

Oramus. **Oratio conveniens.**

AD NONAM.

Pater noster. Ave Maria. Deus in adiutorium. 19.

**Hymnus.**

**R**erum Deus tenax vigor,

Immotus in te permanens, Lucis diurnae tempora Successibus determinans.

Largire lumen vespere, Quo vita nusquam decedit, Sed praemium mortis sacrae

Perennis instet gloria. Praesta, Pater piissime, Patrique compar Unice,

Cum Spiritu Paraclito Regnans per omne saeculum. Amen.

**In Dominicis per Annum, Añã.** Alleluia.

**In feriali Officio per Annum, Añã.** Aspice in me.

**Psalmus.**

**M**irabilia testimonia tua : \* ideo scrutata est ea anima mea.

Declaratio sermonum tuorum illuminat : \* et intellectum dat parvulis.

Os meum aperui, et atraxi spiritum : \* quia mandata tua desiderabam.

Aspice in me, et miserere mei, \* secundum iudicium diligentium nomen tuum.



Gressus meos dirige secundum eloquium tuum: \* et non dominetur mei omnis iniustitia.

Rédime me a calumniis hominum: \* ut custodiam mandata tua.

Faciem tuam illumina super servum tuum: \* et doce me justificationes tuas.

Exitus aquarum deduxerunt oculi mei: \* quia non custodierunt legem tuam.

Iustus es Domine: \* et rectum iudicium tuum.

Mandasti iustitiam testimonia tua: \* et veritatem tuam nimis.

Tabescere me fecit zelus meus: \* quia obliti sunt verba tua inimici mei.

Ignitum eloquium tuum vehementer: \* et servus tuus dilexit illud.

Adolescentulus sum ego, et contemptus: \* justificationes tuas non sum oblitus.

Iustitia tua, iustitia in aeternum: \* et lex tua veritas.

Tribulatio et angustia invenerunt me: \* mandata tua meditatio mea est.

Aequitas testimonia tua in aeternum: \* intellectum da mihi et vivam.

**C**lamavi in toto corde meo, exaudi me Domine: \* justificationes tuas requiram.

Clamavi ad te, salvum me fac: \* ut custodiam mandata tua.

Præveni in maturitate, et clamavi: \* quia in verba tua supersperavi.

Prævenérunt oculi mei ad te diluculo: \* ut meditarer eloquia tua.

Vocem meam audi secundum misericordiam tuam Domine: \* et secundum iudicium tuum vivifica me.

Appropinquaverunt persecuentes me iniquitati: \* a lege autem tua longe facti sunt.

Prope es tu Domine: \* et omnes viae tuae veritas.

Initio cognovi de testimoniis tuis: \* quia in aeternum fundasti ea.

Vide humilitatem meam, et eripe me: \* quia legem tuam non sum oblitus.

Júdica iudicium meum, et redime me: \* propter eloquium tuum vivifica me.

Longe a peccatoribus salus: \* quia justificationes tuas non exquisierunt.

Misericordiae tuae multae Domine: \* secundum iudicium tuum vivifica me.

Multi qui persequuntur

me, et tribulant me: \* a testimoniis tuis non declinavi.

Vidi praevaricantes, et tabescébam: \* quia eloquia tua non custodierunt.

Vide quoniam mandata tua dilexi Domine: \* in misericordia tua vivifica me.

Principium verborum tuorum, veritas: \* in aeternum omnia iudicia iustitiae tuae.

**P**rinces persecuti sunt me gratis: \* et a verbis tuis formidavit cor meum.

Lætabor ego super eloquia tua: \* sicut qui invenit spolia multa.

Iniquitatem odio habui, et abominatus sum: \* legem autem tuam dilexi.

Sépties in die laudem dixi tibi, \* super iudicia iustitiae tuae.

Pax multa diligentibus legem tuam: \* et non est illis scandalum.

Exspectabam salutarem tuum Domine: \* et mandata tua dilexi.

Custodivit anima mea testimonia tua: \* et dilexit ea vehementer.

Servavi mandata tua, et testimonia tua: \* quia omnes viae meae in conspectu tuo.

Appropinquet deprecatio mea in conspectu tuo Domine: \* juxta eloquium tuum da mihi intellectum.

Intret postulatio mea in conspectu tuo: \* secundum eloquium tuum eripe me.

Eructabunt labia mea hymnum, \* cum docueris me justificationes tuas.

Pronuntiabit lingua mea eloquium tuum: \* quia omnia mandata tua aequitas.

Fiat manus tua ut salvet me. \* quoniam mandata tua elegi.

Concupivi salutarem tuum Domine: \* et lex tua meditatio mea est.

Vivet anima mea, et laudabit te: \* et iudicia tua adjuvabunt me.

Erravi, sicut ovis quae periit: \* quare servum tuum, quia mandata tua non sum oblitus.

**Añã.** Alleluia, alleluia, alleluia.

**Capitulum.** 1. Cor. vj. d

**C**empti enim estis pretio magno. Glorificate et portate Deum in corpore vestro.

**℞. br.** Clamavi in toto corde meo, \* Exaudi me Domine. Clamavi. **℞. Ju-**